


Na casnan di Anciano

Roberto Croes ta conta storia



Telefonan di DIARIO
582-6747 Fax: 582-8551

ORANJESTAD (AAN): E proyecto anual di Cuenta di Biblioteca Nacional Aruba ta drenta su di 3 luna. Sra Frida Vrolijk y señora Ruthy Vrieswijk-Bergen a percura pa un programa special na cas di anciano na april y mei. Sr. Roberto Croes ta riba programa na juni.

Esaki ta e ultimo 4 presentacionnan pa e aña aki. Sr. Roberto Croes ta trece un programa varia cu ta consisti di musica, storia y poesia. Pues un presentacion special pa e grandinan na casnan di Anciano.

Bibliotecarianan di Biblioteca Nacional Aruba hunto cu contadornan di storia y poetanan ta bishita e casnan di anciano y ta presenta un programa di 1 ora cada siman. Ta bishita cas di Anciano na Savaneta, San Nicolas, Playa y Cas Marie. E programa ta varia cu contamento di cuenta, declamacion di poesia y na final ta pasa un documentario cortico. E proyecto tin un duracion di 3 luna. Meta di e proyecto

ta pa stimula lesamento y contamento di storia.

E aña aki biblioteca por a conta cu presentacion di señora Frida Vrolijk, Ruthy Vrieswijk-Bergen y sr. Roberto Croes. Roberto a yega di declama poesia den diferente Cafe literario na biblioteca.

Despues di e presentacion di Roberto Croes ta presenta un documentario cortico di e Dera Gay. Esaki ta un produccionnan special di Servico Audiovisual di Biblioteca. door di wak e documentario di un faceta di historia cultural di Aruba hopi recuerdo lo bin ariba cu por comparti. Otro meta di e proyecto aki ta pa yuda tene e habitantenan di e casnan socialmente activo banda di promocion di lesamento. Clausura di e programa di 2013 ta diahuebs mainta, dia 27 di juni na St. Michael Paviljoen. Biblioteca Nacional Aruba ta gradici e service club Kiwanis Palm Beach pa e donacion pa e proyecto aki.